



Arne Ove Straumsvåg
Åsskardvegen 2268
6643 Bøfjorden

Saksbehandlar, innvalstelefon
Ola Betten, 71 25 84 76

Surnadal kommune - løyve til planting av utanlandske treslag på gnr92 bnr5

Statsforvaltaren i Møre og Romsdal gjev Arnt Ove Straumsvåg løyve til utsetting av fjelledelgran og serbergran for juletreproduksjon på gnr 92 bnr 5 i Surnadal kommune. Løyvet gjeld for planting av 3100 stk. tre på eksisterande areal for juletreproduksjon, UTM 6989900 471650, og UTM 6989900 471570, jf. avmerka areal i vedlegget til søknaden.

Løyvet er gitt i medhald i §§ 4 og 5 i "Forskrift om utsetting av utenlandske treslag til skogbruksformål". Det er sett vilkår til løyvet.

Vi viser til søknad datert 18.05.2021. Søknaden gjeld utsetting av ca. 2350 fjelledelgran (Abies lasiocarpa) og 750 serbergran (Picea omorika) på eigedommen 92/5 i Surnadal kommune.

Plantefeltet er avmerka i kartvedlegget til søknaden. Formålet med utsettinga er juletreproduksjon.

Utsetting av utanlandske treslag krev løyve etter forskrift om utsetting av utenlandske treslag til skogbruksformål av 25.05.2012 (heretter kalla forskrifta). Formålet med forskrifta er å hindre at utsetting av utenlandske treslag medfører eller kan medføre uheldige følger for naturmangfoldet, jf. § 1.

Søknaden skal vurderast etter prinsippa i §§ 8-12 i naturmangfaldlova (NML), jf. § 7 i NML.

Vurdering

Ved vurdering av om det skal gjevast løyve til utsetting, skal eventuelle uheldige følger for naturmangfoldet vektleggast. Det skal leggast særleg vekt på om treslaget og eventuelle følgjeorganismar medfører risiko for uheldige følger for det biologiske mangfaldet. Det kan ikkje gjevast løyve viss det er grunn til å tru at utsettinga vil medføre vesentlege uheldige følger for det biologiske mangfaldet, jf. § 7 i forskrifta. Utplanting av utanlandske treslag kan ha ein negativ påverknad på naturmangfoldet ved å endre den naturlege artssamsetnaden og dei økologiske funksjonane på staden.



Kunnskapsgrunnlaget (NML § 8)

Fjelledelgran er klassifisert av Artsdatabanken som ein art med lav risiko, medan serbergran ikkje har nokon kjent risiko. Artane har per i dag ikkje nokon påverknad på norsk natur ut over den effekten dei har på det arealet dei blir planta på. I følgje søknaden er føremålet med utsettinga å produsere juletre. Trea blir difor hausta før dei set kongler, og feltet vert rydda etter at salgbare tre er hogde. Det er difor ingen fare for spreiling av desse artane til naturen kring feltet. Vi har vurdert dei naturfaglege kvalitetane til plantearealet. Det er ingen registreringar i Naturbase i høve raudlisteartar eller andre relevante verdiar. Ei planting av eit så lite tal tre vil ikkje medføre spesielle landskapsmessige endringar. Ut frå føreliggande kunnskap vil dette ikkje medføre uheldige følgjer for naturmangfaldet. Vi har lagt vekt på at arealet alt vert brukt til juletproduksjon.

Føre-var-prinsippet (NML § 9)

Vi vurderer vidare at behovet for å avslå, evt. krevje tilleggsutgreiingar på grunnlag føre-var prinsippet er lite.

Økosystemtilnærming og samla belastning (NML § 10)

Vi kan ikkje sjå at plantinga medfører noko belastning som skulle utløyse noko uheldig, samla situasjon for eit område eller ein naturtype.

Kostnadane ved miljøforring (NML § 11)

Arnt Ove Straumsvåg kan påleggast å fjerne utilsikta spreiling av utplanta fjelledelgran og serbergran. Statsforvaltaren kan pålegge tiltak etter NML §§ 69-73.

Miljøforsvarlege teknikkar og driftsmetodar (NML § 12)

Fjerning av alle trea før frøsetting vil vere eit tilstrekkeleg tiltak for å hindre spreiling. I tillegg er den som har fått løyvet til utsetting pliktig til å føre internkontroll, jf. § 10 i forskrifta.


Konklusjon

Vi vurderer det til å vere små negative effektar på naturmangfaldet i utsettingsområdet som følgje av planting av fjelledelgran og serbergran. Med bakgrunn i opplysingane i søknaden og kunnskapsgrunnlaget, vurderer vi spreingsfaren som låg, og faren for negative økologiske effektar som liten.

Statsforvaltaren i Møre og Romsdal gir Arne Ove Straumsvåg etter dette løyve til utsetting av inntil 2350 stk fjelledelgran og 750 stk serbergran på gnr 92 bnr 5 som omsøkt. Løyvet gjeld for planting på avmerka areal jf. kartskissa, jf. §§ 4 og 5 i Forskrift om utsetting av utenlandske treslag til skogbruksformål. Vi viser vidare til krava i forskrifta §§ 8, 9 og 10 om hhv. varsemd, informasjonsplikt og krav til internkontroll.

Det vert sett følgjande vilkår til løyvet:

- 1) Etter at felta er hausta, skal alle ikkje-omsettbare tre fellast. Dette skal gjerast slik at det ikkje kjem skott frå greiner eller stubbe. Feltet skal uansett ryddast innan år 2035.
- 2) Det er ikkje tillate å fjerne tre med voksyktig rot frå feltet. Dette skal hindre ukontrollert spreiling av artane.
- 3) Dersom det vert oppdaga spreiling av tre utanfor plantefelta, skal desse fjernast, og Statsforvaltaren i Møre og Romsdal må varslast.
- 4) Løyvet skal oppbevarast hos tiltakshavar og grunneigar inntil vilkåra i løyvet er oppfylt, jf. § 7 fjerde ledd i forskrifta.



Vedtaket kan påklagast til Miljødirektoratet innan tre veker i samsvar med forvaltningslova. Ein eventuell klage skal opplyse om kva endringar ein ønskjer i vedtaket, og skal sendast til Statsforvaltaren i Møre og Romsdal.

Med helsing

Bjarne Otnes (e.f.)
fagleiar

Ola Betten
prosjektleiar

Dokumentet er elektronisk godkjent

Kopi til:
Surnadal kommune Bårdshaugvegen 1 6650 SURNADAL